



● EDITORIAL ● RÂL VÊNGTU ● CHHÛNGKAW CHANCHIN

✚ Wales ram tlawh leh kan Zosâpte
✚ CWM 'Face to Face India 2014'
✚ ATC-a M.Th zirte result a lâwmawm

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVIII

No. 373

E-mail : synodnews@gmail.com

OCTOBER, 2014

ZU CHUNGCHÂNGA KOHHRANHO HNÊNA THUCHAH

Mizoram sawrkârin MLTP Act, 1995 titâwpa MLPC Act hman a tum tih Mizoram Presbyterian Kohhran, Synod-in a hriat veleh khân Mizoram sawrkâr hnênah Kohhran duh dân chu kan hriattîr ngâh a. Amaherawhchu, kohhran leh tlâwmngai pâwlte ngenna chu pawisa lovin sawrkâr chuan zu zawrh phalna dân chu hmanhmawh takin a duang ta zêl zâwk a ni. Chuvângin, kohhran miten zu chungchâng kohhran ngai dân leh duh dân hi an hriata an zawm theih nân thuchah hi kanrawn siam ta a ni.

1. Zu chungchâng kohhran dinna

Mizoram Presbyterian Kohhran chuan a dân tîr tê aţangin kohhran mite chu zû laka inthiar fihlîm tûr leh inhnâmhnawih lo tûrin a zirtîr thîn a, chu chu wawîin thleng hian kan kohhran dinna a la ni reng a ni. Kohhran rorêl inkhâwmpuiah pawh zu chungchâng hi wawî tam tak kan lo ngaihtuah tawh thîn a, zû tihzâlên kan duh loh thu hi kan lo târ lang tawh thîn a ni. Zu in leh zu zuarte hi tualchhûng Kohhran Committee-in hnawhchhuah thlenga thunun theih a ni tih kan inhriat thartîr leh a. Zû kan duh loh chhan hi tlem tê târ lang îla:

- (1) Pathian thu hian khawî laiah mah zû hi a ţa zâwngin a sawî lang ngai lo va, zu ruîh pheî chu sual nasa tak a nih thu a sawî zâwk a ni. Mihring mizia, taksa leh thlarau lam nun thlengin a tichhe thei a, chhûngkua, khawtlâng leh ram tân pawh retheihna leh pachhiatna thlen theitu a ni.
- (2) Zû hi ruîh theih thil chak tak, a intu rilru tihnutsaka sual lama hruai ngâh thei a ni. Mî fîng pangngai pawh mihring tling lova siam thei a ni a. A intu tân phûrna leh thathona a siamsak avângin in thiam inti tam tak pawh mahni inthunun thei lova ngawlveia lo siam tawhtu a ni.
- (3) Kan ramah hian zû hian tharum thawhna, accident chi hrang hrang leh tualthihna thlengin a tipunlun a. Ram leh hnam tichhetu hlauhawm berte zînga mî a ni.

2. Kohhranin sawrkâr a ngenna chungchâng

Kohhran chuan a awmna ram sawrkâr chu a sawrkârah a pawm hmiah mai a, kohhran mite pawh khua leh tui rinawm tak ni tûra zirtîrin a fuih reng thîn. Ringtute chu Lal Isuan khawvel êng ni tûrin mîn ko va, kan chênna khawvêl tinuam tûr leh siamţa tûrin beisei kan ni. Ram mipui tâna ţa tûr nia a hriat kawngah sawrkâr hnêna

thurâwn emaw, rawtna emaw, ngenna emaw thlen hi kuang lo nawrah kan inngai ngâi lova. Ram leh hnam ţatna tûra hruaitute kawng dik kawhîmuh leh hriattîr hi kan tih tûr dik tak ti ah kan inngai zâwk a ni. Kan ngenna thu pawm lova ruahmanna an siam tâkah chuan kan ram hruaitute tân kohhranhote ţahnemngai takin i ţawngţai zêl ang u.

3. Kohhran tih tûrte

Zu chungchâng Pathian thuin mîn zirtîr dân leh kohhran dinna kan sawî tawh a. Chuvângin zû kan chhiatpuizia hi hun remchâng kan neih apiangah inzirtîr uar leh zual ni se. Mahni kohhran huam chhûnga zu in mite chu in tawh lo tûra ngênin ţawngţaina nê Pathian thua kaihhruai tumin an puala camping leh campaign te neiin ţan lâk zêl ni se. Zu zuarte pawh an chhûngkaw dînhmun Chiang taka zirin zu zawrh an bânsan theihna tûra dâwm chhuah dân te pawh ngaihtuahpui ni se.

Zu in leh zuartute kawng dika hruai tûr leh kohhran mî ţa an nih theihna tûra theihtâwp chhuaha hmangaihna leh khawngaihna nê ţan lâk zêl a tûl a. Chutianga theihtâwp chhuaha kan beih hnu pawha sim duh lote chu an chungchâng thu tualchhûng Kohhran Committee-in tûl a tih chuan a ngaihtuah thei a. Kan dân buin a sawî angin zilh te, zilhhau te, rawngbâwlna chanvo pawimawh aţanga chawlhîr te, sakramen kîl thei lo tûra thunun leh hnawhchhuah thleng pawhin an chungah kutthlâk theih a ni.

Zû in kan hrisêlna a tihchhiat dân te, sum leh pai khawh ralna a nihzia te, khawtlâng nunhona a ngawng buai theih dân te ngaihtuahin kan ram leh khawtlâng zû zawrh loh hi kan ţatpui ber tûr niin kan ring a, Pathian thuin mîn kaihhruai dân ena kal mai hi ţa kan ti a ni. Kan kohhran mite chu zû in lo tûr te, zû sa lo tûr leh zuar lo tûr te leh a dah khâwmna (warehouse) atân pawh hmun pe lo tûrin kan ngên che u a ni e.


(UPA H. ZOLIANA)
Secretary


(REV. K. LALHMUCHHUAKA)
Moderator

MIZORAM PRESBYTERIAN KOHHRAN

KOHHRAN LIBRARY ATÂN

Synod Revival Committee buatsaiha Synod Revival Speaker-te pual Seminar-a thu zir - 'Unique Identification (UID)' leh 'Zu chungchâng' booklet chu Kohhran Library copy tûr Synod Revival Office-ah Kohhran tinin lam theih a ni e.

SYNOD Newsletter

EDITORIAL STAFF

Rev. K. Lalpiangthara (LPT)
Rev. Thangzauva (TZ)
Upa H. Ronghaka (HR)
Upa Khawlungnunga (KCN)

Editorial

RAM - LALPA TA

Tùn hnai deuh aṅga kan ha hawl deuhtu lian zual deuhte chu zu zawrh phalna leh Chakma issue chungchâng a ni a. Hemi chungchângah hian 'Ram chu Lalpa ta a ni' tih hi kan hriat thar leh ṭhin a pawimawh hle mai. Lal Davida khân a lalna ram kha Lalpa ta a nih a hre chiang khawp mai a. Chuvângin, ropuina leh chawimawina zawng zawng pawh Lalpa ta a nih hriain Lalpa a hlân a nih kha.

Kan ram hi Lalpa ta leh a zawn chhuah ram a nih hre renga kan enkawla, a duh zâwnga kan nun chuan hnam dangin min chîm ral leh chuh buaina lakah Pathian zâwkin min humsak mai ang. Chanchin Ṭha zâr kan zo hi amah theihngihl phan nân kan hman erawh chuan kan hmuhsit zâwk leh pawnlâng zâwk nia kan hriatte hi kan hlingah Lalpan a buatsaih mai ang. Kan ram kaihhruai dân leh Chanchin Ṭha hi a inhmei loh chuan harsatna kan la tâwk tam deuh deuh ang. A rawngbâwl duh lo hnam leh ram chu a boral dâwn avângin Lalpa rawng hi i bâwl tam deuh deuh ang u, **'Kan ram hi Lalpa ta a ni si a.'**



MISSIONARY TRAINING COLLEGE

Mission Vengthlang, Aizawl
796001, Mizoram, India

B. MISS ADMISSION HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form hi Rs 50/- in office hun chungin MTC Office atangin lak chhuah theih a nie.

Dil thei chin : Cl-XII pass chin/ Cl-X pass kum 2 tal zirna lamah leh rawngbawlina lama experience nei.

Dil theih ni hnunung : January 31, 2015

Written Test : March 3, 2015

Interview : March 5, 2015

Sd/- Principal
Missionary Training College
Mission Vengthlang
Ph No. 2310157/2301337/ 09612564113

WALES RAM TLAWH LEH KAN ZOSÂPTE

Rev. Lalzuithanga
Sr. Executive Secretary

Presbyterian Church of India (PCI) chuan a huam chhûng Synod pariat aṅga aiawh pakhat theuh thlangin Presbyterian Church of Wales (PCW) hnênah Chanchin Ṭha min hrilh avânga lâwmthu sawina 'Goodwill visit to Wales' a buatsaih a. Mizoram Synod aiawha tel tûra thlan ka ni ve a. September 9, 2014-a thleng kim tûra beisei kan nih laiin ka kalpui tûrten visa an hmuh ve theih tâk loh avângin mahniin ka thleng thla a, PCI anga kan programme-te pawh chu ṭhulh a lo ngai ta a. Amaherawhchu, PCW lama kan hotute leh Rev. Dr. H. Sângkhûma te chuan Wales lama chhuk thlaa, a remchân ang anga programme min lo siamsak theih tûr thu minrawn hrilh a; September 11-ah London aṅgin Wales khawpui Cardiff panin rêlin ka chhuak ta a, chawhnu herah Cardiff chu ka thleng a, Pi Tluangi (Rev. Dr. Sângkhûma nupui) leh an fapa, Lâwma'n rêl station-ah min lo hmuak a, an hnênah hian Wales ka châm chhûng chuan ka awm ta a ni.

September 12-ah PCW General Secretary, Rev. Merion Morris leh a nupui nân, Port Talbot khuua PCW Kohhranin Food Bank (mamawhte tâna chaw sem tûr) an hawnnaah kan kal a. Mi za zet kan kal khâwm a, an khaw Mayor pawh a lo tel ve nghe nghe a ni. September 13-ah Pi Tluangi leh an fapa nân tûn hmaa rawng an lo bâwlina Swansea kan tlawh a, kan hân lamah Cardiff Bay, Wales Legislative Assembly House awmna hmun mawi leh nuam tak kan tlawh ngâl a.

In kan thlen hnua Pu Nêla (Kan Zosâp), Aizawl Theological College-a lo thawk tawhte nupain minrawn tlawh a, Mizote leh Mizoram an ngaih ṭhinziat min hrilh a. September 14-ah chuan Ponty Pridd Biak Inah kan inkhâwm a, Rev. Dr. Sângkhûman thu a sawi a, kei pawhin chibai bûkna sawiin, Mizoram Presbyterian Kohhran chanchin te sawiin leh Chanchin Ṭha min hrilh avânga kan lâwmthu te ka sawi bawk a. Inkhâwm hi kan tlei thehthawh hle a, zai a nuamin kan tui hle. Inkhâwm bânah kan missionary, Rebecca Lalbiaksângi rawngbâwlina khuu, Penhyrs-ah kan tlawh a; an rawngbâwlina hmun hrang hrangte min fanpui a, an hmalâkna leh thawhrimna a fakawm hle. Hemi zawh hian Pastor Z. John Malsâwmna Colney-te rawngbâwlina, Ebbu Vale kan tlawh leh a. Tlai dâr 6:00-ah kan inkhâwm a, Pastor John-a'n Lalpa Zanriah Sakramnen a ṭheh a; kei pawhin chibai bûkna ka sawi ve bâkah, report te pein Chanchin Ṭha min pêk avânga lâwmthu sawina ka nei ve leh a, inkhâwm kan tam lo naa kan hlim tlang hle.

September 15-ah Pastor John-a nân kan Zosâp la dam ṭhenkhat kan tlawh a. A hmasa berah Pi Zâwni, Aberystwith-a mi kan tlawh a, ani hi kum 95 lai a ni tawh naa a la chak viau. Pu Robert-a te nupa, Bangor-a mite kan tlawh leh a, anni hi an la chak ṭha viau bawk a. Pi Lloyd-I, Glen Doven tar enkawlina awm kan tlawh leh a; Pi Lloyd-i

hi kum 91 a ni a, a chak tawh lo hle a, 'chibai' tih bâk sawi theih a nei tawh lo tluk a ni e. Kan Zosâp la dam zingah Pi Zopâri ka tlawh remchâng thei ta lo. Hemi hnu hian Pu Lloyd-a thlân te, Pu Owen-a thlân te leh Pu Zosâphluia thlân te kan tlawh leh a. Pu Hluia thlân hi enkawl ṭhat a nih loh avângin a lo tûm deuh tawh nghe nghe a, a lainatawm duh khawp mai!

September 16-ah Liverpool lam panin Pi Nan Powel Davies-in min hruai a; Liverpool lawng chawlhna hmun hi kan Zosâpten Mizoram kilkhâwr tak maia Chanchin Ṭha hril tûra an ram anrawn chhuahsan ṭanna hmun a ni a. Chanchin Ṭha avânga an ram nuam tak kalsana ram kilkhâwra an lo kal hi Pathian thiltihmak tih loh rual a ni lo. Heta ṭang hian khatih hun laia an Mission Board Office hmunte kan tlawh leh a, chûng hmunte pawh chu mi dang ta a lo ni ta. Hêng bâkah hian Everton FC Stadium (Goodition Park) te, Liverpool FC Stadium (Anfield) te tlawhin Cardiff lam kan pan leh ta a. A tûk chawhnu dâr 2:45-ah Bus-in London ka pan a. Cardiff ka chhuahsan hma hian Shopping Centre tualah Mosolman pa hian 'Isua kha Islam sakhaw zâwlnei a ni' tih te, 'Allah chauh lo chu tu mah biak tlâk an awm lo' tihte târin uar takin thu a sawi lauh lauh mai a. A bulah Koran aṅga lâk chhuah booklet a chhawp theuh bawk a; Kristiante min cho hlein ka hria.

Bus-in tluang takin London ka thleng pheii a, PCW-in riahna min hauhsakah hahdam takin zân ka riak a, a tûk zing dâr 8:00-ah India lam panin karawn haw leh ta a ni. Ka zin chhûng zawnga harsatna tâwk lova min awmpui tlattu Pathian chungah lâwmthu ka sawi a. Kan Synod hruiute chungah te, London-a min mikhualtu Pu Lalremsiama te chhûngkaw chungah te, PCW hruiute chungah te, Rev. Dr. H. Sângkhûma te chhûngkua leh Pastor John-a te chungah te, Kolkata-a kan ṭhianteh leh rawngbâwlpui zawng zawngte chungah ka lâwm êm êm a ni.

Râl Vêngtu

Mite chuan, “Râl Vêngtu tûnlai hian eng theology nge lâ deuh bera i hriat? I thu leh hla hi kal sualna laka min vêngtu a nih òh avângin kan sâwtpui tûr theology min hrih theih kan ring tlat mai,” tiin an zâwt a.

Râl Vêngtu chuan, “Tûnlaia kan rama theology lâ deuh ber chu ‘hlahna theology’ hi a ni a. He theology hi ruah tham loh theology pawh a ni lêm lo va. Hmân deuh aţanga rawn inţan tawh a ni a. A tîrah chuan ‘Bible Society leh WCC hlahna theology’-in a rawn inţan a. Hun lo kal zêlah ‘khawchhak lungpui lum hlahna theology’ a lo lang leh a. Tûnah hian ‘hlahna theology chi hnih ‘China râl hlahna theology’ leh ‘UID leh sakawlh hlahna theology’ a rawn lâ chho ve leh a. A hlaute hlîr hi a tuartu-ah an ţang emaw tih mai tûr a ni a, an khawngaihthlâk khawp mai. Bible-in wawi za chuang zet ‘hlau suh’ a tih laia hlauh lo neih leh òh Setana bumna a ni tih lo hria ula. Hlah tûr dik tak chu taksa chauh tihlum thei ni lovin, taksa leh thlarau tihlum thei zâwk hi a ni e,” tiin thiam takin a lo hrih a. Hlah tûr dik tak theology-ah an chian avângin lâwm takin an tîn ta a.

SYNOD MISSION BOARD MIKHUAL

September 27 - 30, 2014 chung khan Synod Mission Board chuan Church Mission Society (CMS) mikhual an nei a, Rev. Dr. Tan Kang San, Executive Director, ACMS; Mrs. Lee Loun Ling, Training Director, ACMS leh Mr. Stephen Edison, Coordinator, South Asia, ACMS te an lo kal a ni. Rev. Dr. Tan Kang San hi Asia khawmualpui bialtu thar a ni a, a bial chungha Partner Mission-te tlawh kualin inhmehhriatirna hun an rawn nei a ni.

CAMBODIA-AH

Nl. Lalremliani Sailo, China-a Missionary thin chu June 2014 khan a visa tawpin a lo haw a. Board Executive Committee chuan Cambodia-a kal turin a rel a, Oct. 1, 2014 khan Cambodia panin a kal. Cambodia-ah hian Rev. Sairengpui Sailo te chungkua leh Nl. Lalrinawmi te rawngbawlin an awm mek baw.

SYNOD HOSPITAL, DURLÂNG AUGUST, 2014 CHHUNGA THILPÊK DAWNTE

I. CHARITY FUND

1. Pu Lalsiamliana & Fly, Durlâng Mêl - 5	Rs 5,000/-
2. Suangpuiawn Bial	Rs 10,000/-
3. Hming thup	Rs 1,000/-
4. Mesak Rinpuia Pautu S/o Dr. Jeremy Lalrinsanga Pautu, Chhinga Vêng	Rs 50,000/-
5. Synod Hospital Taxi Stand Welfare	Rs 2,000/-
6. Lungdai Kohhran	Rs 1,000/-
7. Phullên Vêngthar Kohhran	Rs 5,000/-
8. Keifâng Kohhran	Rs 10,000/-
9. Keifâng Kohhran Naupang Chawhnu Inkhâwm	Rs 5,226/-
10. Pu Rosawmliana Varte, Durlâng Leitan	Rs 1,000/-
11. Pu Lalvênhima, Durlâng Mêl - 5	Rs 1,500/-
12. Pu Lalramena, Durlâng Dâwrkâwn	Rs 1,000/-
13. Pu R.K. Vanlalzela, Leitan	Rs 1,000/-
14. Pi Kailiani, Khatla	Rs 500/-
15. Mafeli Tours & Travels, Zârkawt	Rs 10,000/-
16. Pu C. Lalsiamliana te nupa, Durlâng Leitan	Rs 1,000/-
17. Pi Zoramawii, Zârkawt	Rs 3,000/-
18. General Secretary, Central KÏP	Rs 4,76,102/-
19. Pu Hmingthanpuia S/o Thangliana Tochhawng, Mission Vêng	Rs 10,000/-
20. KÏP, Samthang Branch	Rs 22,00/-
21. Lêngpui Model Kohhran Ramthar Committee	Rs 20,00/-
22. Pu Vaizinga, Durlâng Mêl - 5	Rs 1,000/-
23. Pu Lalthatzama, Kolasib Diakkâwn	Rs 3,000/-
24. Thingdawl Vênglai Kohhran Ramthar Committee	Rs 2,000/-
25. Laipuitlâng Kohhran Pavalai Pâwl	Rs 5,000/-
26. Saiphai South Kohhran	Rs 1,570/-
27. Bîlkhawthlir Hmâr Vêng Kohhran	Rs 1,942/-
28. Unknown	Rs 1,500/-

June, 2014 Tihdikna (Charity Fund):

28. Mamit Kohhran	Rs. 10,000/-
29. Lunglei Bazar Vêng Bial Kohhran Hmeichhia	Rs. 5,000/-

II. THISEN PETE

1. NSS Unit, Pachhunga University College	60 Units
2. KÏP, Dâwrpui Vêngthar Branch	49 Units
3. KÏP, Tuikual North Branch	41 Units
4. KÏP, Ruipuihlum Branch	11 Units
5. KÏP, Lunglêng Pastor Bial	51 Units
6. KÏP, Kulikâwn Pastor Bial	51 Units

PEK ZÂT

IV. THILDANG PETE

1. Mrs Lalduhawmi Chawngthu, New Street, Mission Vêng	Bungrua lei nân ₹ 10,00,000
2. General Secretary, Central KÏP	Grace Home-a Cook hlawh (June&July) ₹ 6,000
3. Rev. John Hmar, Wales	Grace Home tân ₹ 15,000
4. Pu Lalrinawma, Dy. Speaker, MLA	NCB tân Water Cooler (80 ltrs)
5. BSI, Aizawl Auxiliary Women Wing	K. Ward tân Bible 33
6. Pu Lallianhmuaka, College Vêng, Aizawl	Kitchen Staff te hak tûr T. Shirt
7. College Vêng Kohhran Hmeichhia, Aizawl	K. Ward tân Bed Sheet leh Pillow Case
8. Pu Zokungthanga H/o Biaknuntluangi, Chhinga Vêng	Naupang Ward tân Water Filter

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtîr a, Hospital mamawh tam tak min phuhrûsak baw a ni.

Sd/- REV. R. RAMDINMAWIA
Chaplain (Sr.),
Synod Hospital, Durlâng

CWM FACE TO FACE INDIA 2014

Aizawl Theological College chuan kan Synod aiawhin Council for World Mission (CWM) programme pawimawh tak, Face to Face India 2014 chu September 5-27 chhûng khân a thleng.

Hetah hian khawvêl ram hrang pariat aţangin Pathian thu zirlai leh rawngbâwna inhmang mêk mi sâwm an rawn tel thei a ni. Ni 8 September zân khân kan Synod Moderator hovin a lawmna inkhâwm Tourist Lodge, Chhâtlang-ah neih a ni a. Ni 25 September-ah thlahna programme Rev. Lalramliana Pachuau, Executive Secretary i/c TEB hovin neih a ni baw. He programme-a rawn tel te hi Mizoram an châm chhûngin Kohhran leh hnam nun bâkah Mizoram-a retheihna leh ram leilung chung châng harsatnate (poverty & land issues) zir pui an ni. Chawlhkâr khat chhûng mithiam hrang hrang ten zirtîrna an pêk hnuah khawpui Pastor bial pasarih-ah leh thingtlâng Pastor bial pariat-ah Urban

Placement leh Rural Placement neih tîr an ni a. Mizoram Kohhran rawngbâwna pêng hrang hrang an hmuhin hlâwk thlâk an ti hle. Mizoram Kohhran rawngbâwna aţangin thil tam tak mission rawngbâwna lamah zir chhuah tûr a awmin an hria a, khawpui leh thingtlâng Pastor bial an hun hmanna te chungah an lâwm hle a ni. He programme hi kum 2011 aţang khân a tum thumna atân Aizawl Theological College leh Bishop's College, Kolkata ten an in thlen tawm òh a. October 2014 thla chhûng hi Bishop's college-ah an la châm zui dawn a ni. ATC-a an thlen chhûng hian Rev. Dr. K. Lallawmzuala leh Dr. Lalngakthumami ten co-ordinator hna thawkin an chêt vênna kawng tin rêngah an ni hian an kaihrui a ni.

PRESBYTERY INKHAWMPUI

October 9 - 12, 2014 chhûng hian Synod Inkhâwmpui hnuai Inkhâwmpui lian ber Presbytery Inkhâwmpui chu Mizoram chhûng leh pâwnah neih a ni a, remchân zâwkna avânga hmang hma/tlai hret an awm baw ang.

Presbytery Inkhâwmpui Synod Puipate kal dân hetiang hi a ni:

Kal tur

- ♦ Rev. K. Lalhmuchhuaka, Moderator
- ♦ Upa H. Zoliana, Secretary (Sr.)
- ♦ Rev. B. Sangthanga, Secretary (Jr.)
- ♦ Rev. Lalramliana Pachuau, Finance Officer
- ♦ Rev. Dr. R. Lalbiakmawia, Finance Officer
- ♦ Rev. Upa Vanenglina, Statistician
- ♦ Rev. Lalzuithanga, Senior Exe. Secretary
- ♦ Rev. P.C. Pachhunga, Executive Secretary

Presbytery hming

- Karbi Anglong
- Champhai North
- Aizawl East
- Aizawl Hmar
- Tuivai
- Tuichangral 'N'
- Aizawl West
- Tuichang

Presbytery ngahna

- Diphu
- Ngur
- Aizawl
- Sihphir
- Suangpuiawn
- Khawhai
- Sakawrtuichhun
- Rabung



Thingsûlthlah Kohhran chuan ni 12, July aṭanga Aug. 10, 2014 chhûng khân Upa K. Lalhnpua, Speaker, Revival Fire Team ruaiin Camping chhâwng li leh Naupang lăng Camp an buatsaih a. Presbyterian Kohhran mi bâkah SA, UPC, RC, IKK leh Lalhnam aṭang tein, camper, mipa 340, hmeichhia 289 lûtin harh tharna a thleng nasa a. Biak Ina leng lo tân Kohhran Hall-ah Big Screen-a en theihin programme siam hial a ngai a. Biak In thleng tawh ngai loten Thlarau Thianghlîm pāwl tharna an chang nasa hle.

Thingsûlthlah Hospital Veng Kohhran pawhin Aug.- Sept. 2014 chhûng khân Pu R. Lalnunkima, Kraws Sipai Team te ruaiin siam thar lehna Camping chhâwng li, Râwngbâwtu Camp chhâwng hnih loh mipui pual camp chhâwng hnih an buatsaih a, a kârah naupang Lăng Camp leh tleirawl camp an buatsaih baw a, mi 496 lai an lût a. Kohhran pāwl dang aṭangin mi 16 lai an lût baw. Thilpêk ṭhahnem tak Camping pual hian an dawng baw a, Kohhran bêl ngai loten harh tharna an chang a, Kohhran leh khawtlăng nun pawh a nawm phah hle.

Khawkâwn Kohhran chuan Aug. 18 - Sept. 8, 2014 chhûng khân Synod Revival Speaker, Pu Lalsângzuala Ngêntê, Ebenezer revival Team te ruaiin camping chhâwng li an buatsaih a, siam thar lehna duhawm tak an chang. Setanan hun rei tak a lo bâwih tawhten zalênna hmuin hnehna hlado an chham a, Biak In kawng zawh ngai tawh loten an zawh thar leh a. Ni 8.9.2014 khân awmni khamin 'Fakna Inkhawm' hlimawm tak an buatsaih. Thlarau Thianghlîm hnathawh avângin an hlim hle.

Ngûr Kohhran chuan Imanuel Gospel Team ruaiin Sept. 2014 chhûng khân Crusade an buatsaih a, kohhran mipuiin an hlutin an hlawkpui hle.

Bûkpui Kohhran chuan Aug. 23 - Sept. 9, 2014 chhûng khân C. Lalchullova, Gospel Logos Team ruaiin Camping chhâwng hnih an nei a. Kohhranah Pathian hnathawh ropui tak a thleng a, chak lote an chak thar a, hla taka awmten Pathian Biak In anrawn lawi lût leh ta a, Kohhranhoten Pathian fak leh chawimawi nuam an ti hle.

HRIATTIRNA: Nilai leh Beihruai Thupui Bu 2015 chu peih a ni tawh a, Kohhran Secretary ten Synod Office-ah lam theih a ni.

CAMPUS MINISTRY COUNSELLING

Campus Ministry chuan Counselling Centre a nei thar tawh a, heng number-ah te hian biak/rawn theih reng an ni e:-

9856883377, 8974246641

www.mizoramsynod.org

SYNOD ENDOWMENT FUND PETUTE LEH PÊK ZÂT (wef 1 – 30 September, 2014)

Kohhran hming	Pêk zât (₹)	Chawngtlai	Armed Vêng South
Chhînga Vêng East	10,000	Chekâwn	1,000
Zotlăng	5,000	Bethlehem Vêngthlang	10,000
Hortoki	5,000	W Phailêng Kohhran	2,000
Bûnghmun	5,000	Lawngtlai Bethel	1,000
Saiha	20,000	Kepran Kohhran	2,000
Chhiahtlăng Vênghlun	7,000	Bawngkâwn Hmarvêng	2,000
Tuivamit	2,000	Samlukhai	5,000
Chawngtui Kohhran	2,500	Khumtung	20,770
Vaphai Kohhran	10,000	Zehtet	1,000
		Total	1,78,770

ATC-A M.TH. ZIRTE RESULT A LÂWMAWM

Kum 2014 Senate of Serampore College/Univeristy hnuaia M.Th. Result chhuakah Aizăwl Theological College aṭanga M.Th zirlai mi 11 zîngah mi 10 in ṭha takin an pass a, zirlai pakhatin Thesis ennawn ngai a nei thung. Hetiang hi result tlangpui chu a ni:-

Name	Department	Grade
Alfred Lalruatfela	Old Testament	B+
H. Havei	Christian Theology	B
Lalbiaksânga	Christian Theology	B
O. Yanngang Phom	Christian Theology	Ref.
Bhonsle Prashant S.	History of Christianity	B
Rev. Lalfakawma Răltê	History of Christianity	B+
Rev. R. Lalṭhapaia	History of Christianity	B+
Rev. V. Lalfakzuala	History of Christianity	B
Rev. Vanlalawmpuia	History of Christianity	B+
Rev. Lalchawiliana Vărtê	Religion	B+
Lalrinchhane Răltê	Missiology	B+
Ningchan Shimray	Missiology	B+

SAWMNA

Sialsûk Hmunchung Kohhran chuan Novemlber 11-13, 2014 chhûng hian an Kohhran Silver Jubilee an lâwm dăwn a, an Kohhrana lo lawi tawh zawng zawng, an Bialtu Pastor leh Pro Pastor lo ni tawh zawng zawngte hmanpui tûrin an sâwm.

Bûngtlăng Vêngsăng Kohhran chuan an kum 100 (Centenary) tlin lawmna hun October 25-27, 2014 chhûng hian hman an tum a, he Kohhrana lo lawi tawh zawng zawngte leh Bialtu Pastor -a lo awm tawh zawng zawngte he hun hmanpui tûr hian an sâwm.

Mualphêng Kohhran chuan November 21-23 2014 chhûng hian an Kohhran Centenary an lâwm dăwn a. An Kohhrana lo lawi tawh zawng zawng te, Mualphêng khaw chhuak zawng zawng te, An Bialtu Pastor leh Pro Pastor lo ni tawh zawng zawngte tel tûrin an sâwm.

Dimapur Mizo Kohhran chuan Dt. 22-23, Nov. 2014 chhûng hian an Kohhran

Golden Jubilee an lâwm dăwn. An kohhrana lo lawi tawh leh a thei apiang hmanpui tûrin an sâwm.

Khawbung Vêngpui Kohhran chuan November 25-28, 2014 chhûng hian an Kohhran Silver Jubilee leh Biak In thar hawn programme an hmang dăwn a, He Kohhrana lo lawi tawh zawng zawng te, Khawbung chhuak Pastor lo ni tawh zawng zawngte Bialtu Pastor leh Pro Pastor lo ni tawh zawng zawngte he hun hmanpui tur hian an sawm.

Sesih Kohhran chuan December 18-19, 2014 khian Golden Jubilee an lâwm dăwn a. he hun hmanpui tûr hian Bialtu Pastor, Pro Pastor leh Sesih Kohhrana lo lawi tawh zawng zawngte an sâwm.

SYNOD OFFICE KAL HUN CHHUNG

October 2014 - February 2015
thleng Synod Office hna thawh hun
chhung chu zing dar 9:30 aṭanga tlai
dar 4:00 a ni ang.